

梵天廬叢錄

冊十

世天應集錄

卷一

梵天廬叢錄二十一

慈谿柴 夢小梵

妙判三十則

唐制選士判居其一。率用駢文。宋王回脫去四六。純用古文。人不能用。延及清初。猶存其制。判者多尚辭華。專工綺麗。雖不盡據理原情。全本律令。然以風流之案。寫錦繡之文。亦一時佳話也。近代士多不學。官亦淺陋。判詞批文。格成刻板。求其摘宋艷薰班香。誠稀如星鳳。予力為蒐集。得若干則。知不能繼唐張鷟龍筋鳳髓之作。而希蹤於聊齋誌異中。胭脂原判。則似覺此富於彼矣。

杭州何某與鄰人高氏女有盟約高氏父母不知別與陸姓議婚女無如何因偕何某同時縊死仁和縣令唐仁植判令合葬一時傳為美談判云勘得何兆福與高大姑生並小家住偏北屋當門前作劇尚兩小之無猜迨樓上獨眠遂三生之有約彼踰牆而棲處子固非禮所及防此鑽穴而窺丈夫抑又願所必遂糊塗煞爹娘老眼昏久無知繾綣兮兒女私懷茫然未察以致卻平原之聘徒悔噬臍且益堅抱柱之誠不容坦腹轉瞬年已誤生不適陸氏門誰云泉路堪悲死幸作何郎婦遺言畱楮墨曾不渝同衾同穴之盟畢命挂絲繩要無忝匹夫匹婦之諒本縣目擊雙懸心憐共命民彝本由物則惟從一之足嘉王

道原順人情。尚有終之能。正教必豫童牛之牯。踰閑難責諸蚩。
民風或殊艾。緞之婦。取節弗遺於侗俗。用捐廉楮。俾勒貞珉。歌
蒿借孔雀之詞。文梓起鴛鴦之冢。庶幾連理長榮南國。一坏永
傍西泠。此判。

吾浙金華府武義縣薛絅齋大令。以名進士。現宰官身。愛民勤
政。頌聲載道。因俞生員細故出妻。妻母張氏投縣呈控。當由薛
傳至內署。分別開導。夫婦均為之泣下。薛備輿送婦返俞。重敦
琴瑟。其判詞云。照得風首關雎。夫婦乃人倫之始。禮詳奠雁。婚
姻為王化之原。良緣既結。衿襦靜好。宜諧琴瑟。又況居近同里。
本珂鄉修桑梓之恭。均屬清門。非玉樹誚兼葭之倚。豈可翼陵。

反目不思僇俛同心茲查俞秀才身列膠庠誼諧名教即勃谿
偶形諸姑婦宜調停曲盡乎家庭胡為忽振雄風遽爾忍傾覆
水夫順親誠為孝冒不韙則其孝近愚宜室主於和交相諍則
不和成懟一紙之休書輕遞萬人之清議難逃至如俞孫氏者
慈庇壹闡夙恃掌珠之溺愛幼凋椿蔭莫懸心鑑以相攸保無
性習嬌憨偶或儀愆淑慎豈甫作三旬新婦即遽干七出明條
乃微嫌等扶積嫌致嘉耦頓成怨耦方占反馬忽訝離鸞憤剪
香雲惜截髮非畱宿之譽誓深皎日甘傷心作棄婦之吟夫也
不良我將安適羌復五張六角繫鈴人不善解鈴空勞萬語千
言破鏡後倩誰圓鏡大好鴛鴦一朝折翼互爭雀鼠兩造成仇

斯誠風化攸關。宜令姻緣復合。王女成俾。式相好。金夫見豈不
有躬。公庭三尺。仗聯撮合之山。恨字十行。投燕無明之鱗。在夫
母某某氏。盡捐嫌隙。啼三更月。冷再休愁姑惡。聞聲而妻母某
某氏。深感圓全。羨兩袖芹香。本雅願婿鄉修好。平情毋為已甚。
晚盍可滌前愆。曲諒曠夫怨女之痴情。仍完佳婦慈嫜之樂事。
代修鴛牒。飭備魚軒。轟動闔城。紅鸞星爭看重。照迎未內署。青
鳥使令導雙歸。此時案結琴堂。藉載爾兩家訟喙。他日筵開湯
餅。方感余一片婆心。有厚望焉。其各懷之。此判。

桐鄉鄭生就試有城。見一茶葉店女子。姿致嫣然。而悅之。時藉
買茶。以覘芳容。而慰渴思。未幾囊空如洗。惟贖茶葉一箱。抵銷

費用款歛惆悵。不能再往買茶矣。對門有麵店夥王八者。善詐騙。買茶情由。八具知之。乃造生自薦。願為月老。生喜甚。倉皇歸里。歷向戚友歛得百金。挾以到省。命八轉與店主作財禮。八亦與生允帖。并誓定合卺日期。備作嬌客矣。至期八竟遐舉。以問店主。店主固夢夢也。斥之。生憤甚。持帖赴縣。大哭擊鼓。錢塘令風雅吏也。審知端末。乃召店主。并緝王八至。謂店主曰。有婿若此。尚何求乎。我欲以汝女妻此生。汝許乎。店主曰。惟命是從。乃重行選吉。交拜成禮。仍着王八為媒。除追其百金外。又命討喜筵。曰。今日弄假成真矣。判詞曰。勘得鄭生名未攀鳳。實事求凰。茶女跡異當壚。身仍待字。槐花滿地。明中成一笑之緣。茶葉為

媒暗裏遂三生之約。典絮袍而沽酒。幸遇瑯琊返蘭權。以釀金。毋忘桑梓。詎雙團扇。將引紅鸞。而八公山忽杳黃鶴。成事幾乎敗事。神通端的誠通。阿翁無害冰清。快婿何慚玉潤。從此釵囊揀茗。不妨按前日之柔夷。想當裙佩移蓮。孰料踐今宵之羅襪。天使人以作合。餅店客師人奉天。而施行錢塘縣令。喜筵媒賂。騙案官鋪。此判。鄭生後責。奉文某氏贈孺人。

生員王大儒。與陳彩鳳。奸彩鳳之叔。控大儒於縣。縣官為斷合。其判詞曰。訊得王大儒。成童舞勺。名列東陽。弱冠談經。位尊西席。不肅馬融之帳。轉偷韓壽之香。啟北門鑰。而蕩乃春心。迷楚岫。踰東家牆。而棲其處子。夢繞陽臺。晝靜花明。隱鎖玉樓之

春色。氈寒漏永。潛披繡戶之薰。風士也不良。昧攀龍之素行。人而無禮。愧相鼠之有皮。佻儻是矜。廉隅弗飭。宜力加以鞭扑。用垂戒於宮牆。陳彩鳳年既及笄。許嫁而遽亡。所託身猶待字。擇偶而未有收。歸會遊綺陌。遂誘狂童。路隔桃源。爰設漁舟而待渡。牆高柳徑。不驚叱吠。以招來。問字為媒。雅類宮人題葉。執經適館。竟同卓氏奔琴。既不能節比松筠。復甚至行虧珠玉。隱情敗露。辱及雙親。穢跡彰聞。禍罹三尺。亦宜加以桎梏之戒。以永絕其燕昵之私。陳鴻撫哲兄之女。自可比兒。負癡叔之名。不為相士。知女心之匪石。歸妹愆期。昧姆教之當嚴。閑家無貳。紫燕銜泥。來畫棟。未知柳巷春深。杜鵑啼月。出疏林。不謂花梢露冷。

縱狂鶯之顛倒戲擲朱榴任雛鳳之翱翔擅離丹穴應愧潘籬
之弗設宜漸惟薄之不修遽爾鳴官竟匿食言之咎公然解究
並忘引盜之由此直自毀其家聲而復隱慚其手足既已疏於
防範且更拙於幹旋本縣當堂訊鞫盡得根由據案推詳頗深
憐惜女貌固美容如面郎才亦錦繡為腸當年共被謫瑤京此
日應重諧鳳侶而時非七夕漫思駕鵲渡銀河境判層霄妄冀
乘槎登月府宜乎風流道忽障雲屏而溫柔鄉頓成苦海也欲
為開釋先令輸忱五彩彩筆強題箋幾致江郎才盡一幅紅羅
遙擲彩卻教倩女魂離憐爾等情慘此儺似不願鴛鴦中散既
本縣身為父母豈忍教鴻雁分飛即直吐之供詞思曲全之方

法雖民犯必繩以憲典。例在男當責而女當懲。而王道不外乎人情。還使內無怨而外無曠。用開一面之網。免褫青衿。更推三宥之恩。特加錦被。今王生未聘。許作館甥。陳女無家。歸為內子。千里姻緣牽一線。朱繩原繫自老人。兩家風月早雙清。綠字已通乎媒妁。正名伊始。合卺在今。紅錦裁雲重奠雁。日麗華堂。紫簫吹月並乘鸞。星輝畫閣。從此銀臺報彩。應知閨闔天開。玉燭調和。管教琅玕風靜。忽耦轉為嘉耦。黽勉同心。冰人判合良人。庶幾偕老。種得宜男草茂。繞砌祥凝。玆看含笑花開。滿庭香馥。因念日邊之紅杏。從今得傍雲栽。而天上之碧桃。嗣後還滋露種。宰官既原情格外。叔孀毋貽話閨中。少女得其士夫。非若熏

猶之異味。上賓齒於嬌客。宛如笙磬之同音。倘以劉阮之誤入天台。欲使參商之長離霄漢。則牀第之言不踰閼。胡竟訴之公堂。宛邱之蕩洵有情。終無傳乎陌上。彰吾官法。適增玉女之羞。墮乃家聲。誰作金龜之婿。法緣情減。予不汝譴。此判。

有劉璞者。其妹已許裴九之子裴政矣。璞所聘孫氏。其弟潤亦已聘徐雅之女。而璞以抱疴。俗有冲喜之說。父母擇吉完姻。婦翁以婿方病。潤以少俊。乃飾為女粧。代姊過門。將以為旬日計。草率成禮。父母謂子病不當近色。命其幼女伴嫂。而二人竟私為夫婦。逾日子病漸瘳。女家恐事貽。給以他故。邀假女去。事寂無知者。因女有娠。父母窮問得之。訟之官。官乃使孫劉為配。而

以孫所聘徐氏償裴其判詞云弟代姊嫁姑伴嫂眠愛女愛子情在理中一雌一雄變出意外移乾柴近烈火無怪其然以美玉配明珠適獲其耦孫氏子因姊而得婦棲處子不用踰牆劉氏女因嫂而得夫懷吉士初非銜玉相悅為婚禮以義起所厚者薄事可權宜使徐雅別婿裴九之配許裴政改娶孫郎之配奪人婦人亦奪其婦兩家恩怨總息風波獨樂樂不若與人樂三對夫妻各諧魚水人雖兌換十六兩原只一斤親是交門五百年必非錯配以愛及愛伊父母自作冰人非親是親我官長權為月老已經明斷各赴良期命黃堂輿從送歸私第此判
吾郡陳鈞堂先生康祺以名進士出宰蘇州之昭文凡遇艷案

常用四六妙判。判龐氏東西交訟一牒。尤屬巧思。綺合。先是龐姓延金生菊如教讀。龐素多疑。忽謂其妾周荷姑及其婢銀銀與生有私。訟之公庭。先生鞠之。知為子虛。乃當堂作判。不加思索。頃刻而成。以示堂下。咸服捷才。馬判云。照得龐某控金生一案。研訊數堂。迄無確供。中書不可言。何況事無實據。繆綫非其罪。肯教士也。含羞本縣。觀金生章句書生。鄉村學究。適子之館。未及半年。招我由房。盡通一面。縱使國風好色。豈忘君子懷刑。龐周氏貌尚端莊。年非韶綺。久已與龐公而偕隱。何至見金夫不有躬。龐某生從名牒。身襲崇封。到堂數言。亦知大體。決不因賓主失好。自污污人。大約別嫌明微。欲整家門大範。爭妍妬寵。

難彌婦女芳情周氏附中婦大婦之班久處春帷而怨命金生
少經師人師之訓惟憑夏楚以收威此豈娟娟或偶具西賓之
饌羣雌粥粥遂趨東家之牆寵某偏聽人言恐疎聞範嫌疑
雖當自白檢防未免過嚴投牒公堂初非好訟今衆口雷同兩
心冰釋炎涼異性菊荷非並蒂之花貴賤殊形金銀豈一爐之
冶賓主未洽別聘良師妾婢無辜仍還舊主門楣善保子孫必
可興昌屋漏稍虧鬼神詎能宥恕倘核封職專房有屬無調象
馴獅豕之術何妨開閣放姬憐爾童生就館不終竟遇瓜田李
下之嫌益宜守身如玉此判

婺源江峰青先生宰嘉善時所有判狀亦往往以詼諧出之時

有李氏婦者素無行開設煙館私識一僧已又琵琶別抱該僧不平遇婦與之為難婦乃扭僧到縣起訴先生援筆立判曰婦女開煙館其人可知和尚過房親其事可想不道徐娘老去俏賣風流那堪佛印重來更逢露頂兩雄不並立何分舊好新歡一語未投機遂至摩拳擦掌金剛已相為努目菩薩又不肯低眉孫悟空仗佛救而潛身猪八戒被魔纏而入筌津迷醋海興波即在須臾水溢藍橋孟浪而投冰案既廉恥之盡喪實法律所不容在逃者另候訪拏到案者先行懲辦佛法當頭有棒合予答臀婦人反面無情理應鞭背此身不是三摩地能容幾許蒲團方盤托出大西瓜又了一重花案該氏看當堂具結永熄